



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Provincia Tarraconensis.

urn:nbn:de:hbz:466:1-15324

ANNO
 CHRISTI
 569.

manas connumerat ex loco Gellii, cap. 13. lib. 16.

3. Elipa : apud Plinium est *Ilipa* Italica , in conuentu Hispalensi : quæ vocatur maior a Ptolemæo , & Ilipula minor , cum simplici , aut geminato , L , in conuentu Astigitano . Et existimo diminutiuum esse ab Elipa . Inde episcopus Elipensis frequenter in Conciliis nostris subscribit . Dicunt esse hodie *Niebla* : alii aliter . Non habet cathedram episcopalem .

4. Astigis : hodie *Eciia* . A Mela in Bætica ponitur Astigi , Hispalis , & Corduba . A Plinio , vt diximus , & conuentus iuridicus & colonia Astigitana , cognomine Augusta firma , appellatur . Non habet episcopum , sed est in diœcesi Hispalensi .

5. Corduba & Cordoba . Plinius : *Et dextra Corduba colonia patricia cognominata , inde primum nauigabili Bati* . Hodie episcopum habet ex primis Hispaniæ . Vrbs nobilitate & multitudine ciuium insignis , & archiepiscopo Toletano suffraganea .

6. Egabro . Sunt qui scribunt *Ægabro* . Hodie *Cabra* , vbi situs est Baucade episcopus Egabrienfis , milliaribus sex & viginti a Corduba distita . Plinius in Bætica Baream ponit ; pro quo in emendationibus Iacobi Dalecampii Vbeda repositum . Verum Morales legendum existimat Egabro . Non habet nunc sedem episcopalem . Gratianus 16. quæst. 3. cap. prima actione , *Ægabrensem* urbem nominat : & in codice Gregoriano , *Agabrenfis* scribitur , ex Concilio Hispalensi II. cap. 1 .

7. Eliberi , hodie *Granada* : de ea diximus in Concilio Eliberitano . Cauco Illiberis ad prouinciam Narbonensem spectabat , nunc per syncopam *Colibre* ; hæc vero ad Bætiam & Hispalensem : est metropolis magna vrbs , Maurorum imperio & diuitiis olim conspicua , nunc Christiana pietate & religionis cultu clarior .

8. Malaca : hodie *Malaga* . Episcopum habet suffraganeum archiepiscopo Hispalensi .

9. Asidonia . Plinius , Asido quæ Cæsariana . Hodie *Medina Sidonia* . Inde episcopus Asidonensis in Conciliis subscribit . Nunc non habet episcopum .

10. Tucci in diuisione Vuambæ ponitur . Hodie est *Martos* . Non habet episcopum . Tuccitanus episcopus in Conciliis antiquis subscribit . Scribendum cum duplici cc. Augustam Gemellam Plinius cognominari dicit , & in veteri marmore : Gemella Tuccitana . & in alio : Respublica Tuccillanorum .

IMP. CÆSARI. M. AVRELIO ANTONINO AVG. DIVI SEPTIMI SEVERI. PII PERTINACIS. AVG. ARABICI. ADIABENICI. PARTHICI. MAXIMI. PACATORIS ORBIS FILIO. DD. RESPUBLICA TVCCILLANORVM.

Est etiã Tucci vetus apud eumdẽ Plin. Baſſetaniæ vergētis ad mare.

PROVINCIA TARRACONENSIS.

1. Tarracona metropolis . Plinius eam ponit in regione Cossétania : forte legendum , Sedetania : *Flumen* , inquit , *Subi colonia* Concil. Tom. 12.

Nnnn ij

Tarraco. Scipionum opus. Alii Tarracon scribunt. Hanc Prudentius genitricem piorum appellat hymno de 18. martyribus Cæsaraugustanis: ab ea pars vna Hispaniæ, Tarraconensis appellata. In lapide antiquo est; COL. I. V. TARRACO. Colonia immunis, vel, Iulia, victrix Tarraco. Archiepiscopum habet, qui de primatu olim cum Toletano contendit.

2. Dertosa: hodie *Tortosa*. Plinius inter Tarraconenses connumerat Dertufanos. Est hæc vrbs ad Iberum fluuium prope mare, nobilis in primis. Habet episcopum Tarraconensi suffraganeum.

3. Cæsaraugusta. Apud Ptolemæum Cæsarea Augusta. Hodie *çaragoça*. de ea sic Plinius: *Cæsaraugusta colonia immunis, amne. Ibero affusa, vbi opidum ante vocabatur Salduba, regionis Sedetania.* In veteri inscriptione: COL. CÆSAREA AVG. SALDVBA. De ea sic Prudentius hymno de decem & octo martyribus Cæsaraugustanis.

*Tu decem sanctos reuehes & octo,
Cæsaraugusta studiosa Christi,
Verticem flauis oleis reuineta,
Pacis honore.*

4. Tyrassona. Apud Plinium Turiaso & Turiasonenses. Hodie *Tarazona*. Episcopum habet suffraganeum archiepiscopo Cæsaraugustano.

5. Calaguris. Plinius: *Calaguritanos*, ait, qui *Fibularenses cognominantur*. Hodie *Calahorra*: vocabatur prius Calaguris Nalica, & postea a Iulio Cæsare Calaguris Iulia. Episcopum habet archiepiscopo Burgensi suffraganeum. Est vrbs celeberrima ciue M. Fabio Quintiliano, & Prudentio, vt ipse inquit: *Nos Vasco Iberus diuidit*. Habet duas sedes cathedrales; nimirum Calagurim, & D. Dominicum de la Calçada; & duas collegiatas, Locronium & Victoriam.

6. Auca siue Oca nunc non extat. Olim enim in vastatione Hispaniæ a Mauris est diruta; verum iterum ab ipsis erecta: pietate Vrraccæ & Eluiræ feminarum regio sanguine Ferdinandi primi procreatarum, ad opidum Gamonal sub inuocatione diuæ Mariæ, anno 1074. translata & erecta, & episcopo Simeoni data est, Cidio Ruderico Diez confirmante. Demum Alfonso sextus rex Hispaniarum, Fernandi magni filius, vrbe Burgensi iam ædificata, a Gamonal, ad eius amplificationem, Aucensem ecclesiam Burgos transtulit, concessa regia episcopo Simeoni, & in basilica D. Laurentii cathedra collocata, anno D. 1075. multis attributis opidis, villis & prædiis. Quin & regio decreto sanxit, vt in Castella esset honorabilior omnibus aliis; clericisque in ea degentibus maiorem & amplioiorem dignitatem inter ceteros totius regni habere concessit, (adeo antiqui illi reges ad pietatem fuere propensi.) Quam erectionem & translationem Urbanus secundus diplomate apostolico confirmauit, exemitque eam ab omni metropolitano, cum an-

ANNO
 CHRISTI
 569.

tea Tarraconensi subdita fuisset, eamque immediate Romanæ sedi subiecit, Bernardo Toletano archiepiscopo refragante. In templo D. Laurentii mansit, vsque dum Mauricius anno Domini 1222. ea specie & forma augusta, quæ nunc est, alterum extruxit, quod Alfonso Burgensis turribus miro opere ædificatis exornauit, Francisco Pacioco episcopo viro optimo & prudenti a Philippo secundo id flagitante. Archiepiscopali hæc sedes dignitate aucta est, Gregorio XIII. Romano pontifice, attributis illi suffraganeis duobus, Pamplonenfi & Calaguritano.

7. Pamplona, opus Pompeii, vt D. Hieronymus est auctor ad Vigilantium. Hodie *Pamplona*, a rege Vuamba instaurata, & Vuambæ luna appellata. Apud Plinium inter fœderatos ponuntur Pomplonenses, & inde Pompelon. Est hodie caput regni Nauarræ: habet conuentum iuridicum, & episcopum suffraganeum archiepiscopo Burgenfi. Martuam olim vocatam sunt qui dicunt.

8. Osca, Ilergetum, in Tarraconensi prouincia vrbs. Etosia a Paterculo dicitur, vbi Sertorium interemptum scribit. Hodie *Huesca*. Hofcenses sunt apud Cæsarem lib. 1. de bello ciuili, & Plinium. Habet nunc episcopum Cæsaraugustano suffraganeum.

9. Elerda. Plinius: *Ilerdenses Surdaonum gentis, iuxta quos Sicoris fluius*. sic apud Cæsarem lib. 1. de bello ciuili. Hodie *Lerida*, & fluius Segre, supra quem est imposita. Episcopum habet & gymnasium literarum vniuersale Cathalonix gentis.

10. Barcinona. Plinio est Barcino: sic enim ait: *In ora autem colonia Barcino, cognomine Faventia*. In Galbæ numo sic est scriptum. COL. BARCINO. FAVENTIA. Vrbs est amplissima, caput Cathalonix, ad mare mediterraneum. Episcopum habet suffraganeum Tarraconensi.

11. Egara. Extat Concilium Egarense antiquum. In IV. Toletano subscribit Eugenius Egarenfis episcopus; in XIII. & XVI. Ioannes. Verba Concilii Egarenfis hæc sunt: *Conuenientes in vnum episcopi prouincie Tarraconensis in locum Egara*. In episcopatum limitibus in manuscripto inuenio Exaram non Egaram appellatam: forte *Gea de los caualleros*, prope Cæsaraugustam.

12. Aufona. Apud Ptolemæum est Aufa. Hinc Aufetani, hodie *Vich*. Episcopus Aufonenfis est in subscriptionibus Conciliorum. Episcopum habet suffraganeum archiepiscopo Tarraconensi.

13. Gerunda, hodie *Girona*. Apud Plinium Gerundenfes. Vrbs nota in Cathalonix, episcopum habet Tarraconensi archiepiscopo suffraganeum.

14. Empurias, Emporiæ. Plinius: *Opus Phocensium*. est nunc Tarraconensis prouinciæ, vrbs maritima, vulgo *Ampurias*: Episcopum habet suffraganeum Tarraconensi archiepiscopo. In subscriptionibus Conciliorum est: Empuritanæ episcopus.

15. Orgello, siue Orgellum, aut Vrgella: hodie *Vrgel*. Episcopum habet suffraganeum Cæsaraugustano archiepiscopo.